

REGLUGERÐ

um breytingu á reglugerð nr. 574/1994 um verðjöfnunargjald af innfluttum landbúnaðarvörum.

1. gr.

Í stað dags. 1. desember 1994 í 2. mgr. 7. gr. reglugerðarinnar komi 1. janúar 1995.

2. gr.

Reglugerð þessi er sett samkvæmt heimild í lögum nr. 99/1993 um framleiðslu, verðlagningu og sölu á búvörum, sbr. breytingu með lögum nr. 34/1994 og öðlast þegar gildi.

Landbúnaðarráðuneytið, 30. nóvember 1994.

F. h. r.

Guðmundur Sigþórsson.

Jón Höskuldsson.

REGLUGERÐ

um breyting á reglugerð nr. 255/1993, um vörugjöld af eldsneyti, með síðari breytingu.

1. gr.

2. málsl. 1. mgr. 3. gr. reglugerðarinnar, sbr. 1. gr. reglugerðar nr. 511/1993, orðast svo:

Af blýlausu bensíni skal greiða gjald sem nemur 24,85 kr. af hverjum lítra. Af öðru bensíni skal greiða gjald sem nemur 26,41 kr. af hverjum lítra.

2. gr.

Reglugerð þessi, sem sett er með heimild í 28. gr. laga nr. 29/1993, um vörugjald af ökutækjum, eldsneyti o.fl., gildir frá 2. desember 1994 og tekur til innflutnings á bensíni sem tekið er til tollafgreiðslu frá og með þeim degi.

Ákvæði til bráðabirgða.

Þeir aðilar sem gjaldskyldir eru skv. 18. gr. laga nr. 29/1993, skulu greiða bensíngjald af óseldum bensínbirgðum sem þeir eiga þann 2. desember 1994, til viðbótar því bensíngjaldi sem greiða skal samkvæmt reglugerð nr. 511/1993. Gjald þetta skal nema 1,33 kr. af hverjum lítra af blýlausu bensíni og 1,42 kr. af hverjum lítra af öðru bensíni og skal því skilað á sama tíma og bensíngjaldi skv. reglugerð nr. 511/1993.

Hver sá, sem á eða hefur til umráða gjaldskyldar birgðir af bensíni hinn 2. desember 1994, skal ótilkvaddur tilkynna það innheimtumanni fyrir 10. desember 1994. Eigandi eða

umráðamaður þess skal ótilkvaddur aðstoða við að kanna birgðir óski innheimtumaður slíkrar aðstoðar.

Innheimtumaður getur krafist upplýsinga frá innflytjendum bensíns og bensínsölum um sölu samkvæmt verslunarbókum til viðskiptamanna er fram fór fyrir 2. desember 1994.

Fjármálaráðuneytið, 29. nóvember 1994.

F. h. r.
Snorri Olsen.

Rúnar Hannesson.

AUGLÝSING

um hlutfall búnaðarmálasjóðsgjalds verðlagsárið 1994-1995.

Samkvæmt heimild í 5. gr. laga nr. 41 15. maí 1990 um Búnaðarmálasjóð, hafa verið ákveðin frávík við innheimtu búnaðarmálasjóðsgjalds til neðantalinna búgreinafélaga verðlagsárið 1994-1995:

a) Félag hrossabænda	1,000 %
b) Landsamband kartöflubænda	0,500 %
c) Samband garðyrkjubænda	0,500 %
d) Svínaræktarfélag Íslands	0,275 %
e) Félag kjúklingabænda	0,275 %

Gjald til forfallaþjónustu í sveitum skal fellt niður hjá framleiðendum í eftirtöldum búgreinum sem hafna skriflega aðild að forfallaþjónustunni:

Eggjaframleiðslu, garðyrkju, hrossarækt, nautgriparækt, sauðfjárrækt, svínarækt, holda-fuglarækt og æðarrækt.

Samkvæmt heimild í 6. gr. laga nr. 41/1990 skal innheimta gjalds til Bjargráðasjóðs af afurðum hrossa og afurðum garðyrkju og gróðurhúsa, nema kartaflna og gulrófna, falla niður.

Landbúnaðarráðuneytið, 30. nóvember 1994.

F. h. r.
Guðmundur Sigþórsson.

Jón Höskuldsson.